

Organizacija za hranu i poljoprivredu Ujedinjenih nacija (*Food and Agriculture Organization*)
FAO

www.fao.org



Organizacija za hranu i poljoprivredu Ujedinjenih nacija - FAO je osnovana 1945. godine u cilju poboljšanja proizvodnje poljoprivrednih proizvoda i ishrane svih ljudi u svijetu.

FAO svojim zemljama članicama odobrava projekte tehničke pomoći usmjerene na kreiranje strateških dokumenata, vođenje nacionalnih politika, uspostavljanje razvojnih projekata, investicijsku podršku, prenos znanja i tehnologija i stvaranja institucionalnog okvira u poljoprivredi, hrani, ribarstvu, šumarstvu i održivom razvoju ruralnih područja.

Pomoć koju ova organizacija pruža ima i regionalnu dimenziju, pomoviše saradnju, zajedničke ekonomske aktivnosti i međusobno razumijevanja između zemalja jugoistočne Evrope.

Osnovni zadatak FAO je proizvodnja i raspodjela poljoprivrednih proizvoda i hrane na svjetskom tržištu. Takođe, za cilj ima osiguranje hrane odgovarajućeg kvaliteta i povećanje životnog standarda.

Za sprovođenje ovih ciljeva FAO je izradio i stavio besplatno na raspolaganje *Codex Alimentarius* koji definiše međunarodne standarde sigurnosti prehrambenih proizvoda.

Na 34. zasjedanju Konferencije država članica FAO, koje je bilo održano od 17. do 24. novembra 2007. godine, Crna Gora je jednoglasno, pristankom svih članica stekla punopravno članstvo u ovoj organizaciji. Naredne godine u januaru, Crna Gora je postala i punopravan član Generalne komisije FAO za ribarstvo u Sredozemnom moru. Ministarstvo poljoprivrede i ruralnog razvoja u saradnji sa Organizacijom za ishranu i poljoprivredu realizuje niz projekata od izuzetnog značaja za unapređenje kapaciteta u oblasti poljoprivrede.

Dan osnivanja FAO-a (16. oktobar) se danas obilježava kao „Svjetski dan hrane“. Ministarstvo poljoprivrede i ruralnog razvoja je po prvi put 2013. godine, organizovalo svečano obilježavanje ovog važnog Dana, a sa ciljem podizanja svijesti, boljeg razumijevanja i mobilisanja javnog mnjenja i fondova u korist borbe protiv gladi.